



**ՀԱՎԱՏԱՐՄԱԳՐՄԱՆ ՀԱՆՁՆԱԺՈՂՈՎ  
Ո Ր Ո Շ ՈՒ Մ**

15 փետրվարի 2024 թ. N 97

**ԵՐԵՎԱՆԻ Փ. ԹԵՐԼԵՄԵՂՅԱՆԻ ԱՆՎԱՆ ԳԵՂԱՐՎԵՍՏԻ ՊԵՏԱԿԱՆ ՔՈԼԵՋԻ  
ԻՆՍՏԻՏՈՒՑԻՈՆԱԼ ԿԱՐՈՂՈՒԹՅՈՒՆՆԵՐԻ ՀԱՎԱՏԱՐՄԱԳՐՄԱՆ ՄԱՍԻՆ  
Ընդհանուր տեղեկություն հաստատության մասին**

Հաստատության լրիվ անվանումը՝ «Երևանի Փ. Թերլեմեղյանի անվան գեղարվեստի  
պետական քոլեջի» ՊՈԱԿ

Գործունեության հասցեն՝ ք.Երևան, Արշակունյաց 39

Նախորդ հավատարմագրման մասին

որոշումը և ժամկետը՝ **չի ունեցել**

«Մասնագիտական կրթության որակի ապահովման ազգային կենտրոն» հիմնադրամի Հավատարմագրման հանձնաժողովը (այսուհետ՝ Հանձնաժողով), ղեկավարվելով ՀՀ կառավարության 2011 թվականի հունիսի 30-ի N 978-Ն որոշմամբ հաստատված «ՀՀ մասնագիտական կրթական ծրագրեր իրականացնող ուսումնական հաստատությունների և դրանց մասնագիտությունների պետական հավատարմագրման» կարգով, «ՀՀ մասնագիտական կրթության հավատարմագրման չափանիշները հաստատելու մասին» 2011 թվականի հունիսի 30-ի N 959-Ն որոշմամբ, «Մասնագիտական կրթության որակի ապահովման ազգային կենտրոն» հիմնադրամի (այսուհետ՝ ՈԱԱԿ) հավատարմագրման հանձնաժողովի ձևավորման և գործունեության ընթացակարգով և «Մասնագիտական կրթության որակի ապահովման ազգային կենտրոն» հիմնադրամի փորձագիտական խմբի ձևավորման կարգով, 2024թ. փետրվարի 15-ին քննարկեց «Երևանի Փ. Թերլեմեղյանի անվան գեղարվեստի պետական քոլեջ» ՊՈԱԿ-ի (այսուհետ՝ ԵԹԳՊՔ, քոլեջ, ՄՈՒՀ) ինստիտուցիոնալ կարողությունների հավատարմագրման հարցը:

**Հավատարմագրման գործընթացի հիմնական փուլերն իրականացվել են հետևյալ ժամկետներում.**

|  |                       |
|--|-----------------------|
| <b>դիմում-հայտի ներկայացում</b>                            | 16 հունվարի 2023 թ.   |
| <b>վերանայված ինքնավերլուծության ներկայացում</b>           | 05 մայիսի 2023 թ.     |
| <b>փորձագիտական այցի իրականացում</b>                       | 26-29 հունիսի 2023 թ. |
| <b>փորձագիտական զեկույցի ներկայացում</b>                   | 02 հոկտեմբերի 2023 թ. |
| <b>թերությունների վերացման նախնական ծրագրի ներկայացում</b> | 30 նոյեմբերի 2023թ.   |

Քոլեջի ինստիտուցիոնալ կարողությունների փորձաքննությունն իրականացրել է «Մասնագիտական կրթության որակի ապահովման ազգային կենտրոն» հիմնադրամի փորձագիտական խմբի ձևավորման կարգ»-ի պահանջներին համապատասխան ձևավորված անկախ փորձագիտական խումբը: Գնահատումը կատարվել է ՀՀ կառավարության 2011 թվականի հունիսի 30-ի N 959-Ն որոշմամբ հաստատված ինստիտուցիոնալ հավատարմագրման 10 չափանիշներով:

Ինստիտուցիոնալ հավատարմագրման 10 չափանիշներից 3-ը՝ **«Կառավարում և վարչարարություն»**, **«Արտաքին կապեր և միջազգայնացում»** և **«Որակի ներքին ապահովման համակարգ»** գնահատվել են անբավարար:

Հանձնաժողովը, ուսումնասիրելով «Երևանի Փ. Թերլեմեզյանի անվան գեղարվեստի պետական քոլեջ» ՊՈԱԿ-ի կողմից ներկայացված ինստիտուցիոնալ կարողությունների ինքնավերլուծությունը, զեկույցի նախնական տարբերակի վերաբերյալ քոլեջի դիտողությունները և առաջարկությունները, փորձագիտական զեկույցը, զեկույցում նշված թերությունների վերացման գործողությունների ծրագիրը, լսելով քոլեջի փորձագիտական գնահատման վերաբերյալ Հանձնաժողովի նախագահի կողմից ընտրված երեք անդամների եզրակացությունները, որոնք ձևավորվել են փորձագիտական խմբի անդամների և ուսումնական հաստատության ներկայացուցիչների հետ հանդիպումների արդյունքում, ինչպես նաև Հանձնաժողովի անդամների դիտարկումներն ու առաջարկությունները, ամրագրեց հետևյալը.

**1. Հաստատությունը հիմնականում ապահովում է որակավորումների արժանահավաք շնորհում**

ԵԹԳՊԲ-ն գեղարվեստական կրթության ոլորտում իրականացնում է միջին մասնագիտական կրթական ծրագրեր ՀՀ որակավորումների ազգային շրջանակի (ՈԱՇ) 5-րդ մակարդակին համահունչ:

Բոլոր կրթական ծրագրերը կազմված են Պետական կրթական չափորոշիչների հիման վրա: ՄԿԾ-ների նկարագրերում սահմանված են կրթական վերջնարդյունքները, նպատակները, բովանդակությունը, կատարման չափանիշները: Առկա են վերջնարդյունքների ապահովմանը միտված առաջադրանքներ: Առաջադրանքներն ունեն ստեղծագործական բնույթ, նպաստում են ուսանողների վերլուծական մտածողության զարգացմանը, սակայն դրանք ներառված չեն առարկայական նկարագրերում: Դասավանդման, ուսումնառության մեթոդները նպաստում են ակնկալվող արդյունքների ձեռքբերմանը:

ՄՈՒՀ-ն ունի դասախոսական կազմի գնահատման և խրախուսման որոշ մեխանիզմներ, ինչպես նաև ուսանողների առաջընթացի գնահատման քաղաքականություն: Գործում են ակադեմիական ազնվության ապահովման մեխանիզմներ:

Քոլեջը կարողանում է պատրաստել աշխատաշուկայում պահանջարկ ունեցող շրջանավարտներ, որոնք նաև շարունակաբար համալրում են Քոլեջի դասախոսական կազմը և ապահովում կայուն սերնդափոխությունը:

ԵԹԳՊԲ-ն ունի կրթական ծրագրերի իրականացման համար համապատասխան որակավորում ունեցող դասախոսական կազմ, կրթական գործընթացները հիմնականում ապահովված են անհրաժեշտ նյութատեխնիկական ռեսուրսներով:

**2. Կառավարումն ու որակի ապահովման համակարգը ձևավորման փուլում են, սակայն առկա են զարգացման միջոցներ և կառավարումը միջված է որակի բարելավմանը, որակավորումների արժանահավասար շնորհմանը**

ԵԹԳՊԲ-ի ծավալած գործունեությունը համապատասխանում է հաստատության առաքելությանը, հիմնականում այն համահունչ է ՀՀ որակավորումների ազգային շրջանակին: Քոլեջն ունի սահմանված նպատակներ, որոնք որոշակիորեն արտացոլում են շահակիցների կարիքները: Մշակված են ԶԾ-ի իրականացման և արդյունավետության գնահատման մեխանիզմներ և ցուցիչներ:

Քոլեջը չունի միջնաժամկետ պլաններ, իսկ քոլեջի երկարաժամկետ՝ 5-ամյա գործողությունների պլանը չի ներառում ՌԾ-ի բոլոր ուղղություններով նախատեսված աշխատանքները: Սահմանված չեն նաև հաշվետվողականության հստակ մեխանիզմներ:

Քոլեջի կառուցվածքը հստակ չէ և հիերարխիկ կապերն ակնառու չեն: Հստակեցված չէ գործառույթների և պատասխանատվության շրջանակը: Որոշումների կայացման գործընթացում շահակիցները չունեն ակտիվ ներգրավվածություն: Բյուջեի բաշխումը չի բխում ԶԾ-ից:

Որակի ապահովման համակարգը Քոլեջում դեռևս ձևավորման փուլում է: Հստակ սահմանված չեն ՈԱ նպատակները, դեռևս հստակեցված չեն գործառույթները, գործընթացների արդյունավետության գնահատման, վերլուծությունների, խնդիրների վերհանման կանոնակարգված մեխանիզմներ: Մշակված չէ ներքին և արտաքին շահակիցների շրջանում հարցումների իրականացման մեթոդաբանությունը: Որակի կառավարման գործընթացում ևս ներքին և արտաքին շահակիցներն ակտիվ մասնակցություն չունեն: Որակի ապահովման ստորաբաժանումը չի ապահովում հավաստի տվյալներ որոշումների կայացման համար:

**3. Միջազգայնացումն ու հեղափոխական/սպորտադրժական գործունեությունը զարգացման միջոցներ ունեն և աջակցում են որակավորորումների արժանահավասար շնորհմանը:**

ԵԹԳՊԲ-ում իրականացվում են դիմորդների հավաքագրման և ընդունելության կանոնակարգված գործընթացներ: Գործում են ուսանողների կարիքների վերհանման որոշակի մեխանիզմներ: Ուսանողներին տրամադրվում են ընթացիկ խորհրդատվություններ դասախոսների կողմից, սակայն այդ աշխատանքները համակարգման կարիք ունեն: Ուսանողների իրավունքների պաշտպանության նպատակով գործում է Ուսանողական խորհուրդ, առկա են ուսանողների կարիերային նպաստող ծառայություններ:

Քոլեջի Ջարգացման ծրագրում հետազոտությունը որպես առաջնահերթություն և հետաքրքրություն սահմանված չէ: Միևնույն ժամանակ, ելնելով իրականացվող մասնագիտությունների առանձնահատկություններից, հետազոտական-վերլուծական բաղադրիչը դրված է ուսանողների կողմից իրականացվող յուրաքանչյուր ստեղծագործական աշխատանքում: Առկա են հետազոտության և ուսումնառության գործընթացների փոխկապակցման մոտեցումներ: Ուսանողներին տրվող առաջադրանքները նպաստում են ուսանողների հետազոտական, վերլուծական, ստեղծագործական մտածողության զարգացմանը:

Քոլեջի դասախոսները իրենց գործունեության ընթացքում մշակել է տարբեր ուղեցույցներ և ուսումնամեթոդական ձեռնարկներ:

Արտաքին կապերի ու միջազգայնացման ուղղությամբ սահմանված նպատակները չափելի չեն և դեռևս ինստիտուցիոնալ հիմքեր չունեն:

Հաստատության արտաքին կապերը չեն ապահովում փորձի փոխանակման և միջազգայնացման նախանշված նպատակների իրականացումը, պատասխանատվության գործառույթային շրջանակը հստակեցված չէ: Գործատուների հետ համագործակցությունը կրում է հատվածային բնույթ: Արվեստի ուղղությամբ ուսումնական հաստատությունների հետ համագործակցությունը չի հանգեցնում քոլեջի կրթական ծրագրերի շարունակական բարելավմանը: Ներքին շահակիցների օտար լեզուների իմացության ցածր մակարդակը խոչնդոտում է միջազգային ծրագրերում քոլեջի ներգրավմանը և կրթական ծրագրերում միջազգային փորձի տեղայնացմանը:

4. Առկա են թերացումներ, որոնք առանցքային ազդեցություն չունեն որակավորման արժանահավատ շնորհման տեսանկյունից, ստեղծված են հիմքեր բարելավումների համար:
5. Թերությունների վերացման ծրագիրն իրատեսական է և իրականացման դեպքում կբերի որակական դրական փոփոխությունների:

Ելնելով վերը նշվածից, Հավատարմագրման Հանձնաժողովը բաց քվեարկության արդյունքում

## ՈՐՈՇԵՑ

1. «Երևանի Փ. Թերլեմեզյանի անվան գեղարվեստի պետական քոլեջ» **ՊՈԱԿ-ին շնորհել ինստիտուցիոնալ հավատարմագրում 4 /չորս/ տարի ժամկետով:**

Հավատարմագրում շնորհելու որոշման հրապարակումից հետո՝ երկամսյա ժամկետում ՈԱԿ-ին ներկայացնել փորձագիտական զեկույցում նշված թերությունների վերացման վերանայված ծրագիր և համապատասխան ժամանակացույց՝ հաշվի առնելով «Կառավարում և վարչարարություն», «Արտաքին կապեր և միջազգայնացում» և «Որակի ներքին ապահովման համակարգ» ոլորտներում առկա խնդիրներին առաջնահերթ լուծում տալու անհրաժեշտությունը:

2. **Հատուկ ուշադրություն դարձնել.**

- Ջարգացման ծրագրի գնահատման գործուն մեխանիզմների ներդրմանը,
- ՄԿԾ-ների մշտադիտարկման քաղաքականության և ընթացակարգերի բարելավմանը

- կրթական ծրագրերի արդյունավետության գնահատման, մշտադիտարկման մեխանիզմների ներդրմանը,
  - ուսանողներին ներկայացվող հետազոտական, ստեղծագործական առաջադրանքները կրթական ծրագրերում ներառելու անհրաժեշտությանը և դրանց գնահատման մեխանիզմների մշակմանը,
  - դասախոսների մասնագիտական վերապատրաստումների կազմակերպմանը,
  - ներքին շահակիցների օտար լեզուների իմացության մակարդակի բարձրացմանը,
  - քոլեջի բոլոր գործընթացներում ՊԻԳԲ շրջափուլի կիրառմանը:
3. «ՀՀ մասնագիտական կրթական ծրագրեր իրականացնող ուսումնական հաստատությունների և դրանց մասնագիտությունների պետական հավատարմագրման կարգ»-ի 12-րդ կետի պահանջներին համապատասխան 2 տարի մեկ անգամ ՈԱԱԿ-ին գրավոր զեկույց ներկայացնել իրականացված գործողությունների արդյունքների վերաբերյալ՝ գնահատելով քոլեջի գործունեության բարելավումը, նորարարություններն ու ձեռքբերումները:
4. Հանձնարարել ՈԱԱԿ-ին պարտադիր մշտադիտարկման ենթարկել «Երևանի Փ. Թերլեմեզյանի անվան գեղարվեստի պետական քոլեջ» ՊՈԱԿ-ի գործունեության արդյունավետությունն՝ ըստ առաջընթացի առանցքային ցուցիչների:

**Հավատարմագրման Հանձնաժողովի  
նախագահ**



**Ա. Սադյան**

2024թ. փետրվարի 15  
ք.Երևան